

SCRIPT OF MORNING GOJRI NEWS BULLETIN 24MAR 2025

1015HRS

مارننگ گو جری نیوز بولٹن 24 مارچ 2025

یوہ آکاشوانی جموں ہے محمد آسف تیں خبر سُنو۔

POONCH HIDE OUT

حفاظتی دستاں نے ضلع پونچھ غا اوچا جنگلاتی علاقہ مانہہ دہشت گرداں غا اک خفیہ ٹھکانہ غو پتو لاغے اُنوں متی مقدار مانہہ گولی سکو برآمد کیو ہے واضع رہ جے یو گولی سکو ضلع گا سانگلہ علاقہ وچوں بھارتی فوج تے جموں کشمیر پولیس غا خصوصی اوپریشن گروپ یعنی ایس او جی غی طرفوں چلائی گئی سانجی کاروائی غے دوران برآمد کیو گیو ہے اس سلسلہ مانہہ پونچھ غا مہارا نمائندہ انوبو مسری نے سرکاری زریعاں گا حوالہ سنگ دسیو ہے جے تلاشی کاروائی غے دوران اے کے ۷۴ غی ۳۲ میگزین ۲۲۹ راوند ۷ ہتھ گولان سمیت ۲ سو گرام ہروین ضبط کی گئی ہے سرکاری زریعاں نے دسیو ہے جے کُج دھماکہ خیز مواد ناں موقع ور ہی ناکاری بنادتو گیو ہے۔

KATHUA SEARCH OPERATION

ضلع کٹھوہ غا ہیرانگر علاقہ مانہہ جاتے روز دہشت گرداں غی موجودگی بارے اک سو لگن تیں بعد حفاظتی دستاں نے علاقہ غی کیرا بندی کرغے تلاشی کاروائی شروع کی جہیڑی اج دوجے تہاڑے وی جاری ہے۔ اس سلسلہ مانہہ سرکاری زریعاں گو کہنو ہے جے جموں کشمیر پولیس تے سٹار کارپس غا دستاں نے سانجہ طور ور علاقہ غی کیرا بندی کرغے تلاشی کاروائی جاری کی ہے تاں جے دہشت گرداں گا منصوبہ ناں ناکام بنایو جاسکے۔ اس سلسلہ مانہہ مزید تفصیلات غی اجوں اڈیک ہے۔

LG FILMOTSAV

لیفٹیننٹ گورنر منوج سنہا نے جاتے روز جموں کشمیر سینٹ اسپیسیشن غی طرفوں مقامی ہنر ناں باندے لیان غا مقصد نال منعقد کی اگیا تون فلم میلا غو افتتاح کیو اس موقع ور ایل جی موصوف نے فلم بنان آلاں ور زور دیتا واں کہی وکے سماجی ذمے داریاں ناں تیان مانہہ رکھن غے نال نال سماجی تبدیلاں ور وی غور کیو جے اُن نے کہیو جے جموں کشمیر ہن ترقی تے امن غی وجہ نال فلم بنان مانہہ تبدیلی نال آگے بدرہیو ہے جدید ٹیکنالوجی غو ذکر کرتاں واں جناب سنہا نے کہیو جے ہن مقامی ہنر مند مقامی رسم و رواج ناں فلماں غے زریعے باندے لیا سکیں گا۔ اس موقع ور لیفٹیننٹ گورنر نے جموں کشمیر غ انوجواناں ور زور دتو ہے جے وے سماج وچوں تمام برائیاں ناں ختم کرن غی خاطر باندے آغے کم کریں۔

DY CM DRUG ABUSE

نائیب وزیر اعلیٰ سریندر چودھری نے جموں کشمیر غا نوجواناں ناہہ شہید بھگت سنگھ، راج گورو تے سکھ دیو غی قربانیاں تیں سبق لین تے منشیات غے خلاف جدو جہر کرن غی تلقین کی۔ یوم شہدا غا موقع ور ایک تقریب سنگ خطاب کرتا واں اُنہاں ے منشیات غی بدت ور تشویش غو اظہار کیو جہیڑو گوانڈی ریاستاں مانہہ وی تبابی مچا رہیو ہے۔ اُنہاں نے مشاعرہ

تی برائیاں غے خلاف اجتماعی کوششاں ور زور دیتا واں عوام تیں اپیل کی کہ رل مل غے
ایک صحت مند تے منشیات تیں پال ماحول بنان واسطے کم کریں۔

TRANSPORT MIN

ٹرانسپورٹ گا وزیر ستیش شرما نے شفاف طرز حکمرانی غی اہمیت ور زور دیتا واں
حکومت گا عزم نانہہ دوہراتاں واں کہیو ہے جے عوام نانہہ اُن غا بوہاں توڑی بہتر سہولیات
فراہم کی جیں غی۔ موصوف جموں غا سینتھ علاقہ مانہہ ایک عوامی دربار غی صدارت کر رہیا
تہاجت مقامی لوکاں نے سڑکاں غی مرمت کان کنی غا مسائل پانی تے بجلی غی سپلائی
اسکول تے صحت مرکزاں غی بہتری تے راشن کارڈ تیں متعلقہ مسائل چایا جس تیں بعد جناب
شرما نے موقع ور ہی متعلقہ حکام ناں ہدایت کی جے تمام لوڑتی خدمات ناں لوکاں گا بوہاں
توڑی پجایو جے عوامی دربار غے دوران وزیر موصوف نے اعلان کیو کہ کھوڑ ہلاک مانہہ
گڈی چلان بارے لائسنس غی وزمانش تے فٹنس سرٹفیکیشن غی وی تعاون غی شروعات
کی جے گی۔

CS HEALTH

چیف سیکرٹری اٹل ڈلو نے صحت ٹھانچہ ناں متو مضبوط بنان غی خاطر اک میٹنگ بلاغے
کم کاج غو جانیزو لیو میٹنگ غے دوران لوڑتا تعمیراتی پروجیکٹاں سمیت جموں کشمیر غا
نوا طبی کالجاں مانہہ ایم بی بی ایس سیٹاں نانہہ بدھان ور تفصیلی تبادلہ خیال کیو گیو ہے
جناب ڈلو نے دور دراز غا گرایں علاقان مانہہ ڈاکٹراں غی کمی بارے وی جانکاری حاصل کی
میٹنگ غے دوران چیف سیکرٹری نے سرکاری میڈیکل کالجاں گا پرنسپال ور ڈور دتو ہے
جے وے صحت خدمات ناں مزید بہتر بنان غے خاطر سکیمز غے نال نال جموں تے کشمیر
میڈیکل کالجاں گا آپسی تعاون نال رل مل غے کم کریں۔

PM MKB

وزیر اعظم نریندر مو دی مُلک تے بیرون مُلک مانہہ رہ رہیا بھارتی شہریاں سنگ آئندہ
30 ما رچ نانہہ آکاش وانی ور من کی بات پروگرام غا اپنا ماہانہ وار پروگرام مانہہ اپنا
خیالات سانجہ کریں گا۔ یا ماہانہ وار پروگرام غی 120 ویں قسط وے غی۔ لوگ اپنا خیالات تے
تجویز ٹول فری نمبر 1800117800 ور ڈائل کر غے روانہ کر سکیں۔ اس توں علاوہ
نریندر مو دی ایپ یاہ فر مائی گوو

اوپن فورم ور وی اپنا خیالات تے تجویز روانہ کی جا سکیں۔ یہ تجویز اس مہینہ غی 28 تا
ریخ توڑی ہی قابل قبول ویں گی۔ یوہ پروگرام آکاش وانی، دور درشن، اے آئی آر نیوز ویب
سائٹ تے نیوز آن انر مو بائل ایپ ور نشر تے ٹیلی کاسٹ کیو جائے گو۔ اس توں علاوہ یوہ
پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی
وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی
اس پروگرام نانہہ ہندی نشریات تیں فوراً بعد علاقائی زبانان مانہہ وی نشر کرے گو۔
